

駱台晉先生文集

EB

溫陵駱日升著

駱台晉先生文集

力行印刷所翻印

中華民國三十四年十二月
第四版

駱台晉老師文集序

先生弱冠魁南宮。名起海內。讀先生文者。咸有登龍門之想。以禮曹卽出而視學西粵及豫章。念兩尊人老。請終養。踰一紀。親沒。喪事畢。奴酋發難。卽家起用參政蜀中。值夷變不測。卒以身殉事聞。

贈光祿寺卿。予祭葬。官其一子。會議易名。嗟乎。先生大節凜凜有生氣。可謂不死矣。夫人臣出處之際。非可苟焉已也。忠孝之事。出于天性。必有較然之志屹不可奪者。在恇情平時仕宦絕裾叱馭。殊不乏人。垂白倚閭。都所不顧。及封疆多故。而陳情懇切。又人人李令伯。嗟乎。士大夫居心如此。出處兩負。豈可令先生見哉。先生乞養方在壯歲。如天之福。太夫人且大耋。先生功名富貴。不動于中。甘老丘壑。而已。十餘年中。溫冬清夏。父母之身。還之父母。而不敢輒有所許。至性過人。吾于先生見之。最後先生之身

國家之身也。

神廟末年。時事孔棘。視先生在子舍時。艱難倍萬。若夫利害心明。稍稍引避。亦足爲釣竿逸老耳。先生誼所不忍。決然出山。祖餞于道者。至今猶記其慷慨激烈之言。蜀變雖起倉卒。而捐軀赴義不待再計。白日寒霜。皎皎自誓。先生之忠。卽先生之孝。必欲盡命無所瞻顧。假令委以城守。睢陽之節。不是過也。惜乎開府平時弭亂無術。

節。不是過也。惜乎。開府平時強。無術。
藉。皎皎自誓。先生忠懷。先生之孝。
國。道者。至今猶記其慷慨引避之言。蜀
倍萬。若夫利害心明。稍稍引避。亦爲

母。而不敢輒有所許。至性過人。吾于先
生。功名富貴。不動于中。甘老丘壑。而已
此。出處兩可。豈可令先生見哉。先生情
曰。倚閭。都所顧。及封疆多故。而陳情
事。出于天性。較然志屹。不可奪者
嗟乎。先生大節凜凜。有生氣。可死矣

沒。喪事畢。奴酋發難。卽家起。參用政蜀
敏。有登龍門之想。卽以禮曹出。視學西粵

先生適當其阨。未竟大用。然氣節已可表見矣。先生子奎曜及諸孫能世其家。以所刻先生集屬予爲序。予弱冠受先生知國士之遇。至今無敢忘。先生具人倫。鑒所拔名碩。如予師。傳相國而下。指不勝屈。蓋得以人事

君之義焉。予爲序其大節。俟作史傳者裁擇。先生逸才夙授。爲文瑰異高古。可以傳世。讀其書者。論世知人。予附先生弟子中。亦且不朽。豫章門人劉同升拜譔

駱台晉先生文集序

故憲副贈光祿卿台晉駱公一代逸才。斯文宗工。自爲諸生穎悟懸解。不爲訓詁墨守之學。掄兩闈魁。制藝窗草。名高郢中。紙貴洛下。厥后督學江楚。械樸芘于東南。人倫推爲水鏡。斯亦文士之用。而儒効之彰著已。而公先後爲儀曹郎。暨司郵督。離守功令。裁冒濫遠。羶垢風裁。峻整所至。聲績藹然。其自江右歸里。戲綵慈幃。依依膝下者逾一紀。時相國李文節葉文忠嘗於南都知公最深。咸願推轂。公終不以三公易菽水之懽。久之。養終服除。無行意。屬奴酋發難。徵調驛騷。趣治裝赴

闕。其年友尙寶張禮卿爲歌驪郛外。公酒間慷慨。憂先國卹曰。苟可爲公家効一臂力。雖捐軀糜悔。禮卿壯其意。而愛其言。迺無衣賦就。竟以夷發隕命。庸非讖耶。公忠孝大節磊落不可掩如此。家居歲久。治圳築室。不厭纖細。履展之間。皆稱其任。雖幾度輿交。皆爲經久百年之計。咸以公精于治生。熟意其綜理密而計畫周。不畢知於國。而以運甕消壯懷也。故人知公爲制義名家。而不知其覈吏事。人知公將母堂養。而不知其厯靡盬。人知公爲身殉國事。而不知其精忠出惻誠。丈夫遭時遇主。凌烟雲臺之上。身名俱泰。不則馬革裹尸。宣力疆場猶不失英雄氣色。若仕無伊呂之勲。遜乏箕山之節。老死牖下。甘與草木同腐。何云鬚眉男子。公挺身敵王愾。不欲蹈文士無用之誚。雖勛業未盡遂。而以死勤事。亦不負出山本願矣。余所見公生平諸撰著

皆超逸軼宕。不依傍門戶。惜遺失西川。存者什伍。殘珪斷壁。猶足稔經濟忠孝之一班。而余獨論公之大者云。

崇禎辛未仲夏之望同邑友弟莊毓慶書于達觀堂

重刻光祿卿台晉駱先生文集序

必功名有所不動於其心。而後可以建一世之功名。而恢之以極於其量。王陵從漢。溫嶠絕裾。彼功名非不甚偉也。惜其心不免爲功名所動。則所建亦止於功名。且多缺憾。而不能無可議。伊尹耕莘野。諸葛廬南陽。若長農夫以沒世焉。然而功與名如是其極乎其量也。文文山魁大廷旋以養親歸。迨宋祚告終。聞召遽行。迄以大節殉。故其成則爲伊尹。爲諸葛。不成則文山要其功名不足以動其心。而能建一世之功名。而恢之以極乎其量一也。嗚呼。若吾惠前明 台晉駱先生者。倘所謂文山其人非耶。先生督學江右。年纔壯耳。以親老棄官歸。遂伏家不出者十餘年。方 先生之在江右也。人倫之鑑。傾動海內。行通顯矣。此不必隱者也。而 先生竟隱。及神宗之季。變故非常。則其不可仕者也。而先生竟仕。由 先生之仕。則知 先生之隱非忘世。而介推方茲爲禰矣。由 先生之隱。則知 先生之仕非急功。而如王陵溫嶠者。眞所謂 先生之罪人矣。聞 先生魁省闈。四書藝有武衰國耗之語。主司相顧錯愕。然亦決其後之必以忠見。蓋 先生憂天下之志。卽已在於做秀才時。使其早臻大用。得以罄其所蘊。縱伊葛未可遽企。若范希文者倘或庶幾焉。奈何國步艱難。始以虎口嘗。卒使 先生之爲文山也痛哉。 先生集八卷。年久板壞。其文孫德龍。謀重授梓。以珩忝葦末。命爲跋言係於後。珩傷 先生之志之不大展於當時。使是集也得顯於世。或以窺 先生于萬一耳。

道光七年七月朔邑後學孫珩頓首敬跋

三刻駱台晉先生文集序

駱台晉先生有明一代偉人也。其行誼史冊光之。故老亦能道之。黃曩居其鄉。仰其名。慨乎慕之。急欲見其遺書。不而得。今讀斯集。門戶自闢。成一家言。積厚流光。信乎名不虛立也。先生忠義性生。微時卽有志於古名臣。所爲文直據胸臆。聞秋闈藝題爲居則曰三節。篇中有武衰國耗。當事相顧錯愕等語。主司擊節曰爲子慶。爲國家得人慶。襄校者亦具眼。謂夫人恐不保其元。旣而曰。志士成仁。又何歎焉。遂掄魁多士。旋雋南宮。由儀曹出督吳西學。所取皆名宿。如陳大士羅文止章大力艾千子諸先正。咸執贄門下。文章神眼之稱。翕然海內。維時方壯歲耳。而先生顧宦情淡。神宗朝。時事遭艱。邊酋鼎沸。下士之仰望出山者。何翅農之望歲焉。而先生顧宦情淡。神宗朝。時事遭艱。邊酋鼎沸。當道爭先引退。先生乃慷慨以身許國。效終子請纓。卒不免於難。於戲。司衡之言信矣。先生之節成矣。寅慕先生。尤慕夫能知先生者也。夫宙合之大。今古之遙。士之抱忠義而能文章湮沒不傳者。何可勝道。設先生弗遇知己。雖有典冊高文。亦不過藏之名山。傳之其後已耳。距今三百餘載。人往風微。誰復知先生生平者。然則先生之傳。不徒以文傳也。有載與俱傳者也。乃就斯集。論經易梓。復漫漶勿存。家藏僅蠹餘兩部。則斯集之傳。亦千鈞一髮。蓋傳文又若斯之難也。韓子曰。莫爲之後。雖美弗傳。今其八代族孫茂才步瀛世丈。家嚴芸友也。倡再鐫。功歲。索爲序。愧不文。且後生小子何

敢置詞。然素欽先生風。復重以父執命。義無容辭。爰掇數語以志其略。至先生之學。則讀是集者喻之。何待菴陋者之贅言也。

光緒十三年歲次丁亥花朝日同里後學伍亮寅拜撰

駱台晉先生傳

駱日升先生字啓新號台晉。以詩經中辛卯科第七名題魁。乙未科中第三名會魁。殿試第二甲第七名。選南京禮部主客司主事。署清吏司郎中事。陞江西驛屯道。陞廣東鹽法道。陞江西提學副使。丁補四川重慶副使。殉難。蒙贈光祿寺卿。欽賜祭葬。世蔭百戶。崇祀鄉賢。晉江黃景昉先生爲之作傳。

歲乙卯。余舉于鄉。財及冠。百凡懵然。往謁前輩巨公。諄諄談涉世狀甚悉。默識所言。大要教咸調耳。比之惠邑。待駱學憲台晉先生。日觀其析理精微。敷詞侃正。始悚然謂此非故自有人。先生夙以詩學祭酒。余誦習有年。至是愈歡伏。而先生亦謬許余。爲手題其簡曰詩藝。策勳必首君于中興麟閣。時余一蒙釋耳。曷當高譽之爾爾。其後余通籍。先生已不復見。每往還拜墓下。追念昔賢車過腹痛之風。未嘗不流涕也。先生諱日升。啓新其字。舉萬曆乙未第三人。先是鄉闈舉亦魁。其經牘出海內。傳幾紙貴。仕南禮曹爲李文節楊端潔所知。出清理江右郵政。移督粵西學。旋自粵東鹹番擢憲副。仍視學江右。先生嘗語余粵西朴宜耀之光明。江右機宜閑之繩約。初猶憚先生嚴。久之自大學士傅公殿元劉公而下。咸思戀良師。稱得士最。而先生意決。竟解綬歸。余識之里中。歸近十載矣。同時以學憲理居有蘇公茂相李公開藻李公叔元。二李頗負簡貴聲。蘇姁嫗好盡善。獎掖後進。未幾各至大官。而余所心恃爲知己莫如先生者。記一日以持身大概爲問。先生正色曰。年

較文門人姓氏

江右門人

傅冠 李日宣 易應昌 王三重 葉初春 祝徽 朱統銓 劉仲 曾櫻 湯開遠 黃端伯 袁國綬 車應兆 劉三省 徐孔徒

吳士元 李明睿 詹士龍 徐大相 李汝燦 龔一程 吳泰來 吳之仁 涂紹燦 周以典 劉鳴謙 湯瑞至 嚴君教 甘大綬 鄭履祥

王廷垣 劉同升 劉先春 胡良機 李曰輔 詹以晉 陳際泰 徐大儀 晏日啓 余敬中 周瑞旭 宋應昇 曾美 柯友桂 羅萬象

鍾炘 曾就義 胡繼美 章允儒 溫國奇 劉大垣 彭份 胡維霖 鄭覲光 袁一鰲 劉邦瀾 宋應星 胡學鴻 程九萬 馮秉清

張世溶 梅開 裴自春 梅冲 董聖翼 鍾大咸 尹應簡 張元綸 艾南英 孫守爲 杜孟龍 鄒正茂 萬敬宗 徐天享 羅建化 許春魁 萬敬遜 陳嘉章

鄧永裕 唐可敬 段鏵 曾有倫 吳夢鸞 周誠學 周日旦 曾以進 蕭承露 劉應儼 涂夢虬 鄒正芳 陳汝德 艾元春 黃國鎬 羅甲先 龔仲泰 陳懋英

胡世亮 羅兆階 姚應魁 賴尙阜 黃一鳳 方洪震 羅萬藻 姚來京 符懷瑾 張叔鑑 李光倬 劉士林 郭應元 錢孔芬 汪龍躍 劉學成 賀士昌 彭目起

吳紹賢 鄒德滂 徐長祚 左文衡 蔡士芹 徐應求 章世純 姚伯燮 錢簡兆 余有敬 賴國章 衷允堯 王元參 鄧三才 劉國祥 吳文程 戴大圓 彭東瑋

劉一濂 段文炳 段文盛 吳應巽 余懋敬 金汝和 胡十鳳 汪希甲 劉觀光 溫儀筠 魏應華 羅起化

湯維岳 余溥濟 王如春 李浚 程鉅 嚴雲京 曹鍾英 余德韶 劉學顏 郭彥 談惟一 周垣

黃景 陳維謙 陳以範 時居仁 鄒學睿 鄒絲科 王文建 周士鉉 余祚徵 陳士選 趙宗發

李元龍 程紹明 鄒嗣涵 金鐘 彭森 鄭夢眉 賴繼葵 鄭之猷 余浣 喻以恕 熊鍾張

粵西門人

趙獻素 陳堯典 李維基 蔣守藩

唐世熊 常懋中 徐保泰 俸爾爵

鄧承簡 李映賜 鄧全慎

劉賜桂 袁國祥 蔣時馨